



Ul Šehida bb  
72240 Kakanj  
Bosna i Hercegovina  
Tel. fax: +387 32 559 625  
email: [biblion\\_ka@yahoo.com](mailto:biblion_ka@yahoo.com)

# IZVJEŠTAJ O RADU ZA 2020. GODINU

Kakanj, januar 2021. godine

## UVOD

### Gradska biblioteka Kakanj je:

- kulturno
- informacijsko
- multimedijalno središte općine Kakanj

### koje građanima osigurava :

- ◆ pristup izvorima znanja
- ◆ pristup informacijama
- ◆ pristup kulturnim sadržajima
- ◆ uključivanje u zajednicu

### za potrebe:

- ◆ obrazovanja
- ◆ stručnog i naučnog rada
- ◆ cjeloživotnog učenja
- ◆ informiranja
- ◆ odlučivanja
- ◆ kulturne nadogradnje

### CILJ:

- ❖ omogućavanje korištenja kulturnih i naučnih tekovina, zabilježenih na različitim vrstama bibliotečke građe, radi svestranog kulturnog, naučnog i obrazovnog napretka pojedinca i društva u cjelini.

### Svoje ciljeve Biblioteka ispunjava :

- izgradnjom i smještajem knjižnih fondova
- stručnom obradom, čuvanjem i zaštitom knjižnih fondova,
- osiguravanjem pristupačnosti i pozajmicom knjižne građe
- formiranjem baza podataka
- promoviranjem bibliotečke građe, te podsticanjem njenog korištenja
- podsticanje lokalnih književnih stvaralaca
- razvijanjem usluge informiranja kao demokratskog prava
- promicanjem svijesti o kulturnom, posebno zavičajnom naslijeđu
- gajenjem dijaloga među kulturama i zastupanjem kulturnih različitosti
- stvaranjem i jačanjem čitateljskih navika, kreativnosti i inovativnosti kod korisnika
- podupiranjem formalnog obrazovanja i cjeloživotnog učenja
- stručnim i informiranim osobljem
- urednošću i dobro održavanim prostorom i funkcionalnom opremom
- otvorenošću kapaciteta Biblioteke i za druge potrebe lokalne zajednice

### **Gradska biblioteka Kakanj je u 2020. godini pred sebe postavila sljedeće ciljeve :**

- ❖ daljnja izgradnja kapaciteta Biblioteke,
- ❖ moderniziranje bibliotečke djelatnosti u skladu sa savremenim bibliotečkim standardima,
- ❖ popularizacija bibliotečke građe i poticanje građana na njeno korištenje.
- ❖ realizacija projekta proširenja prostornih kapaciteta Biblioteke

Danas sa sigurnošću možemo reći da je Gradska biblioteka svojevrsan brand grada. Realizirani zadaci i provedene aktivnosti u 2020. godini pokazuju da je Biblioteka u potpunosti ispunila ciljeve i obaveze koje je lokalna zajednica pred nju stavila i koje Zakoni propisuju.




Najbolji pokazatelji su brojke koje argumentiraju naše tvrdnje, a koje slijede u nastavku Izvještaja.

## **I - BIBLIOTEČKI POSLOVI:**

### **ČLANOVI**

*Korisnik usluga je naša najveća vrijednost i svu pažnju posvećujemo njemu.*




#### **Broj upisanih korisnika:**

-  na godišnjem nivou = 2.236
-  odjeljenje za djecu = 1.017
-  odjeljenje za odrasle = 1.119



Broj članova: Tabela 1.

Red. Broj	GODINA	BROJ ČLANOVA
1.	2018	1.195
2.	2019	1.282
3.	2020	2.236





#### **Naša misija je:**

-  širenje pismenosti i informiranosti
-  usvajanje kulturnih vrednota
-  korištenje bibliotečke građe

#### **Upisnina:**

-  početkom februara Općinski načelnik je donio odluku da usluge biblioteke budu besplatne za sve građane Kaknja. Jedna smo od rijetkih općina / još Tešanj / koja je svojim građanima obebijeđila pristup bibliotekskim uslugama potpuno besplatno.
-  Brojke govore da je Odluka Općinskog načelnika odlična i da je dala izuzetne rezultate, skoro udvostručen broj korisnika. Veći broj korisnika traži i dodatno zapošljavanje knjižničara i insistiranje na većoj odgovornosti korisnika. Općina Kakanj je za ovu svrhu uplatila 9.000,00 KM.

#### **Besplatna upisnina :**

-  nameće obavezu da dodatnim aktivnostima alimentiramo sredstva za nabavku knjiga
-  ostvarujući svoju misiju stvaramo potrebne uvjete da građani Kaknja svoje potrebe u ovom domenu mogu u potpunosti zadovoljiti
-  i pored značajnog povećanja broja korisnika u ovoj godini Kakanj bi trebao imati mnogo, mnogo veći broj korisnika usluga Biblioteke
-  ono što je posebno bitno, mi istrajavamo u nabavci knjiga i programskim sadržajima, koje građani prepoznaju i koriste kapacitete svoje Biblioteke

Broj članova – struktura. Tabela 2.

GODINA	UČENICI OSNOVNE ŠKOLE	UČENICI SREDNJE ŠKOLE	STUDENTI	ZAPOSLENI	PENZIONERI I DOMAĆICE	DOBNA STRUKTURA		UKUPNO
						do 15. god	preko 25. god	
2018	635	308	38	170	44	635	560	1.195
2019	645	427	49	88	73	645	637	1.282
2020	1017	708	112	231	88	1017	1.119	2.236

### Najbrojniji korisnici:

- učenici osnovnih
  - srednjih škola
    - zbog njihove obaveze savladavanja lektirnih programa
    - značajan broj mladih koji čitaju i veliki broj knjiga iz oblasti lijepe književnosti
  - studenti
    - posebno usluga bibliotečke čitaonice, gdje uz stručnu pomoć bibliotekara i on line COBISS.BH/ Pozajmica pronalaze referentnu bibliotečku građu koju koriste u čitaonici
  - zaposlenici, penzioneri i domaćice
    - nažalost, još uvijek mali broj korisnika, ali ohrabruje da svi oni veliki ljubitelji lijepe riječi,
- ❖ Ovi podaci nameću obavezu daljnju realizaciju kampanje promicanja čitanja kod starijih građana općine Kakanj, ali i kod djece i mladih,
  - ❖ Brojnost članova i dobna struktura je rezultat i već standardiziranog mišljenja kod nas da završetkom školovanja prestaje svako daljnje obrazovanje, odnosno čitanje, što je protivno uspostavljenim standardima u svijetu, gdje su uspostavljeni trendovi i standardi cjeloživotnog učenja i permanentnog informiranja, što su i zahtjevi modernog društva.
  - ❖ Uvažavajući strukturu čitalaca, Biblioteka je najveći broj svojih programa opredijelila mladima, uz napomenu da su u tim programima učestvovali i kao kreatori i kao realizatori.
  - ❖ Moramo istaći da mladi prepoznaju napore zaposlenika Biblioteke u ispunjavanju njihovih potreba i zahtjeva, te pružanju šansi za kreativno ispoljavanje vlastitih snaga.
  - ❖ U svijetu načetom COVIDOM 19, u savladavanju posljedica koje izaziva CORONA i epidemiološke mjere, značajnu ulogu ima lijepa književnost i posebno pristup radnika biblioteke spram čitalaca. Naši korisnici su prijateljski raspoloženi prema biblioteci. Njihov razgovor sa knjižničarima, bibliotekarima i drugim osobljem u biblioteci djeluje terapijski i na jedne i na druge druge.

## ❖ NABAVKA KNJIGA:

Tabela 3.

Redb roj.	GODINA	BROJ KNJIGA	
		UKUPNO	VRIJEDNOST KM
1.	2017	1144	20.541,66
2.	2018	1.349	20.299,82
3.	2019	1122	16.714,79
4.	2020	1.412	22.641,55

- Važno je napomenuti da je Općina Kakanj i općinski načelnik sa nadležnom službom prepoznao vrijednost našeg stava da se sav prihod od upisnine vrati korisnicima kroz novu knjigu i da je obezbijedio finansijska sredstva za besplatnu upisninu. Upravo tim sredstvima mi smo izvršili značajnu nabavku novih knjiga za sve kategorije čitalaca.

**Sredstva od alimentirane upisnine uložena u nabavku knjiga: = 9.000,00 KM**  
**Vlastita sredstva - drugi izvori uložena za nabavku knjiga = 7.515,45 KM**

- Naše opredjeljenje da bez nove knjige nema čitalaca prepoznali su mnogi prijatelji Biblioteke i podržali poklonima knjiga: Fondacija za bibliotečku djelatnost F BiH, Fondacija za izdavaštvo F BiH, NAKLADA MATE iz Neuma, i građani Kaknja.  
**Vrijednost poklonjenih knjiga = 6.126,00 KM.**
- Lokalna zajednica, pa i Vlade drugih nivoa, morale bi obezbijediti više novca za nabavku knjiga. Ovo tim prije, jer smo zemlja u tranzicijskim procesima, a za njihovo vođenje neophodna su znanja koja građani ne mogu pronaći u postojećim bibliotečkim fondovima.
- Ovom broju nabavljene bibliotečke građe treba dodati i skroman broj / dvadesetak/knjiga iz RAZREDNE BIBLIOTEKE, kao znak podrške i održavanje veze Biblioteka – Razredne biblioteke, i 55 knjiga iz projekta „ TEEN BIBLIOTEKA – READING REVOLUTION“.
- I pored značajne nabavke knjiga moramo priznati, obzirom da izdavačke kuće stalno i iznova izdaju knjige, da naša biblioteka još uvijek nema dovoljan broj aktualnih knjiga sa top listi izdavačkih kuća. Posebno napominjemo na nedostatak univerzitetskih udžbenika i druge stručne literature.

Struktura nabavljene građe: Tabela 4.

Red. broj	BIBLIOTEČKA ZBIRKA	NABAVKA 2018	NABAVKA 2019	NABAVKA 2020
1.	DRUŠTVENE NAUKE	102	171	202
2.	PRIRODNE I PRIMJENJENE NAUKE	36	55	84
3.	JEZIK I KNJIŽEVNOST	595	571	627
4.	DJEČIJA KNJIŽEVNOST	538	275	434
4.	GEOGRAFIJA I ISTORIJA	48	35	44
5.	UMJETNOST	30	15	30
	<b>UKUPNO</b>	<b>1.349</b>	<b>1.122</b>	<b>1.421</b>

- ◆ U nabavci knjiga i dalje naročitu pažnju posvećujemo:
- ✓ **jeziku i književnosti:**
  - najtraženije knjige
  - i kao odgovor za potrebe učenika osnovnih i srednjih škola za lektirnom. Iako biblioteka nije prevashodno dužna odgovoriti na potrebe iz lektirnog programa, stanje bibliotečkih fondova u školama i osjećaj odgovornosti prema učenicima i njihovim roditeljima opredijelila nas je na nabavku knjiga iz lektirnog programa. Povećan broj korisnika iz ove kategorije donio je potrebu nabavke većeg broja knjiga iz lektirnog programa i zadržavanja uništenih knjiga.
  - ulogu javne biblioteke ostvarujemo pažljivim odabirom knjiga iz lijepe književnosti. Samo nova, aktualna i lijepa knjiga privlači čitaoca biblioteci. Možemo se pohvaliti da uspijevamo obezbijediti knjige sa top lista izdavača u BiH i regionu. Naše napore u nabavci aktualnih izdanja, svih žanrova, prepoznali su naši čitaoci, BH izdavači i BH pisci. Biblioteka je na taj način postala prepoznatljiva u krugu BH književnika, prijatelja i ljubitelja lijepe i dobre knjige.
- ✓ **Nabavka stručne literature:**
  - u nabavci knjiga pažnju i dalje posvećujemo studentima i srednjoškolcima – mladim istraživačima koji koriste bibliotečke fondove sa stručnom knjigom
  - podrška cjeloživotnom učenju i informiranju obavezuje nas na nabavku aktualnih izdanja
- Raspoloživi bibliotečki fond = **56.700** knjiga
- Respektabilan i referentan bibliotečki fond
- Pažljivo oblikovanje bibliotečkih zbirki prema potrebama korisnika
- Biblioteka prepoznata u Bosni i Hercegovini od strane korisnika, stručne javnosti i književnika
- Podrška drugim bibliotekama darivanjem knjiga koje nama daruju Prijatelji biblioteke,
- Sve ove činjenice obavezuje na daljnji rad u ostvarivanju kontinuiteta razvoja

**Posudba knjiga: Tabela 4.**

Red. broj	BIBLIOTEČKA ZBIRKA	POSUDBA 2018	POSUDBA 2019	POSUDBA 2020
1.	DRUŠTVENE NAUKE	683	590	752
2.	PRIRODNE I PRIMJENJENE NAUKE	186	178	176
3.	JEZIK I KNJIŽEVNOST	16.054	13.278	14.044
4.	GEOGRAFIJA I ISTORIJA	118	114	115
5.	UMJETNOST	63	54	69
	<b>UKUPNO</b>	<b>17.104</b>	<b>14.214</b>	<b>15.156</b>

- ◆ Posudba knjiga je najznačajnija aktivnost biblioteke.
- ◆ Naše RAZREDNE BIBLIOTEKE danas imaju 338 knjiga. Broj čitanja u RAZREDNOJ BIBLIOTECI treba uvrstiti u ovu tabelu. Računica bi bila 14 odjeljenja x 22 učenika / prosjek/ x 25 knjiga ? Nećemo izvoditi rezultat, ali iz ovoga je vidljiv potencijal RAZREDNE BIBLIOTEKE.
- ◆ Poseban zadatak biblioteke je promocija BH književne produkcije i BH književnih stvaralaca
- ◆ Tabela br. 4. pokazuje frekvenciju posudbe knjiga po bibliotečkim zbirkama i frekvenciju u odnosu na prethodne godine.

## POSUDBA KNJIGA U ČITAONICI BIBLIOTEKE I RAD SA KORISNICIMA USLUGA:

- uspostavljanje punog kapaciteta biblioteke
- punu pažnju posvećujemo bibliotečkoj čitaonici, koja svojim naučnim odjeljenjem, informatičkom podrškom, brojem i strukturom bibliotečke građe, stručnom osposobljenošću osoblja predstavlja veliki resurs našeg Kaknja
- Besplatan pristup čitaonici i bibliotečkom fondu za rad u čitaonici
- pedesetak „ radnih mjesta „ za učenje i istraživanje svakodnevno koriste učenici, studenti i drugi korisnici, pri tom koristeći literaturu iz naučnog odjeljenja, koja se u principu ne posuđuje van prostorija biblioteke. Tu spadaju: stara i raritetna građa, arhivski i zavičajni primjerci, povezana godišta periodičnih publikacija, referentna zbirka ( priručnici, enciklopedije, leksikoni, rječnici i sl.)
- svakodnevno se izda na korištenje po desetak knjiga, što za 2020. godinu, po našim procjenama iznosi oko 2.000 knjiga.
- rad u čitaonici podrazumijeva, u prvom redu, sofisticiranu stručnu pomoć korisnicima u izboru autora i djela, koja će najbolje odgovoriti na zadatu temu
- sugeriramo pojedinosti i osobnosti na koje treba da obrate pažnju
- rad sa korisnicima u čitaonici je veoma odgovoran, traži stručnost, pedagoški pristup i posvećenost
- mladi su svjesni da je ovo njihov prostor i da je Biblioteka njihov servis
- procese koje smo otvorili, stvaraju i otvaraju nove aktivnosti čitaonice  
Danas u čitaonici naši korisnici usluga:
  - rade svoje školske zadatke
  - uče
  - pišu lektire, seminarske i diplomske radove
  - izrađuju različite panoje za nastavne predmete
- ✓ U vrijeme zaposlenosti oba roditelja čitaonica sa svojim resursima odgovara na potrebe i roditelja i njihove djece.
- ✓ Naravno, ne treba zaboraviti ni produktivno provođenje slobodnog vremena mladih u čitaonici. Možemo reći s pravom da je biblioteka „ radna i dnevna soba grada“

## OSTALI BIBLIOTEČKI POSLOVI:

- ◆ Bibliotečki poslovi, uslovno rečeno nevidljivi za korisnike usluga.
  - u svojoj suštini su složeni i obimni i obavljaju se svakodnevno :
    - ✓ nabavka knjiga i njihova stručna obrada
    - ✓ adekvatan smještaj bibliotečke građe
    - ✓ uspostavljanje urednih evidencija o bibliotečkoj građi, korisnicima i o korištenju bibliotečke građe
    - ✓ statistička obrada evidentiranih podataka,
    - ✓ priprema bibliotečke građe za posudbu i posudba
    - ✓ manipulativni poslovi
    - ✓ telefonski pozivi za rezervacije i druga obavještenja korisnicima usluga
    - ✓ praćenje kataloga izdavača i sudjelovanje u nabavci knjiga, kontakti sa izdavačima
    - ✓ pomoć korisnicima usluga u izboru bibliotečke građe

- ◆ Svi poslovi se obavljaju u skladu sa usvojenim bibliotečkim standardima
- ◆ Kreiranju lokalne baze podataka u sistemu COBISS.BH
  - složenost, obim i karakter poslova koje COBISS.BH podrazumijeva traži puno vremena
  - već smo obradili 37.674 bibliotečke jedinice,
  - održavanje bibliotečkog fonda – oštećene knjige lijepimo sami i ponovo stavljamo u upotrebu
  - ljubav prema knjizi traži da se ona čuva za buduće naraštaje

## II - ZAVIČAJNA ZBIRKA I POTICAJ LOKALNIH KNJIŽEVNIH STVARALACA:

- ◆ Biblioteka posjeduje zavičajnu zbirku i čini sve napore u prikupljanju bibliotečke građe koja ima karakteristiku zavičajnosti. Moramo istaknuti, da nismo u potpunosti mogli odgovoriti na ovaj izazov, jer Biblioteka nema sredstava i raspoloživih ljudi za značajniji pristup ovom poslu
- ◆ Razvoj našeg grada, odražava se i na njegove građane, koji se u jednom uređenom okruženju, kakvo je naša Općina, sve više ohrabruju na stvaranje u oblasti književnosti. Njima treba podsticaj, stručna i logistička pomoć za daljnje stvaranje i publiciranje njihovog stvaralaštva
- ◆ Prepoznata otvorenost Biblioteke za razgovore o mogućnostima izdavanja vlastitih knjiga

## AKTIVNOSTI NA IZRADI PROJEKATA I PROGRAMA:

1. Projekt podrške Programu rada JU „ Gradska biblioteka" Kakanj za 2020. godinu, prosljeđen na adresu Heidelbergzement Tvornica cementa Kakanj, kao prijatelju biblioteke. I u ovoj veoma teškoj, CORONA godini za sve privredne subjekte, Heidelbergzement Tvornica cementa Kakanj je potvrdio svoje prijateljstvo finansijskom podrškom.
2. Javni poziv Fondacije za bibliotečku djelatnost Sarajevo:
  - ✓ **projekt nabavke dvostranih bibliotečkih regala**  
Projekt podržan sa 1.470,00 KM. Projekt je realiziran.
  - ✓ **projekt otkupa knjiga iz vlastitog izdavačkog programa.:**
    1. „ Umihanino ruho“ autorice Čišija Kanite  
Projekt podržan otkupom **36 knjige u vrijednosti 680,00 KM.**
  - ✓ Prijava za **najaktivnijeg čitaoca** u JU Gradska biblioteka Kakanj -Mirza Bajraktarević, 76 knjiga, podržan sa 500,00
3. Javni poziv Fondacije za izdavaštvo Sarajevo:
  - ✓ **projekt JUBILEJI KNJIGE 2020**  
projekt podržan sa 1.500,00 KM. Realizacija projekta u 2021. godini,
4. Javni poziv za Ministarstva za obrazovanje, nauku i kulturu ZDK / za 2020 godinu / projektima:
  - ✓ **TEEN BIBLIOTEKA BIBLIOTEKA - REDING REVOLUTION**  
Projekt podržan sa 1.000,00 KM
  - ✓ **TVORNICA KULTURE KAKANJ – POGON 2020. GODINA**  
Projekt podržan sa 1.000,00 KM



## PROIZVEDENI PROGRAMSKI SADRŽAJI U TVORNICI KULTURE KAKANJ – POGON 2020.

1. 22. januara u saradnji sa Udruženjem dijabetičara „Slatki život“ Kakanj organizirali program **promocije slikovnice „Šećer“** autorice Hane-Petre Mrčela. U okviru ovog programa izvršili nabavku 15 slikovnica iz Zagreba i 10 slikovnica podijelili djeci dijabetičarima u Kaknju, koja su sudjelovala u programu, zajedeno sa svojim roditeljima.
2. 12. februara organiziran multimedijalni program **promocije knjige „Umihanino ruho“** autora: Čišija Kanite i Čišija N. Senada. Promotor mr. sc. Nina Bunjevac- Salkić. Radi se o knjizi – slikovnici kakanjskih autora, iz vlastitog izdavačkog programa kojom afirmiramo nematerijalnu kulturnu baštinu Kakanj.
3. 25. februara organiziran program promocije fotomonografija o Džemaludinu Mušoviću, fudbalskom treneru, i Suadi Kavazović Mušović, balerini **„FUDBALER I BALERINA“** autora Omeragić Dinko i Indira Kučuk Sorguč. U programu sudjelovali: Džemaludin Mušović, Suada Kavazović Mušović, Denijal Omeragić i Indira Kučuk Sorguč. Ovo je bio program u povodu 100-te godišnjice FK Rudar iz Kaknja. Ovo je program koji je evocirao uspomkene na boravak g.dina Mušovića u Kaknju, ali posebno na rad i razvoj fudbala u Kaknju.
4. 28. februara organiziran program proglašenja najboljih literarnih radova na Javnom konkursu na teme: **„Istrčimo, zajedno sa Amelom Tukom, najbolje vrijeme za Bosnu i Hercegovinu“ „Sport je put na kome, i prije medalja, osvajamo sami sebe“**. Javni poziv ostvaren u saradnji sa Gradskom bibliotekom Zenica, a na inicijativu Lingvističke sekcije Srednje mješovite škole „Mladost“ u Zenici. Javni poziv raspisan krajem 2019. godine.  
Na javni poziv radove su mogli slati učenici 8 i 9 razreda osnovne škole i učenici srednjih škola iz Kaknja i Zenice. Na javni poziv je pristiglo 80-tak radova.  
Nagrade za najbolje radove – tri nagrade dodijelili su g. din Amel Tuka, BH olimpijac i općinski načelnik g.din Aldin Šljivo.  
Nagradni fond: I mjesto 500,00 KM, II mjesto 250,00 KM i III mjesto 100,00 KM.  
Sredstva za nagrade obezbijedila je Općina Kakanj i Gradska biblioteka Kakanj.
6. Izvršene sve priprema za organizaciju programa:
  - a) obilježavanja Međunarodnog dana maternjeg jezika:  
**„Bosanski jezik u kontekstu Međunarodnog dana maternjeg jezika“**  
U programu su trebali sudjelovati: prof. dr. Alen Kalajdžija, dr. Jasmin Hodžić i mr. Haris Čatović. Program planiran za četvrtak, 12. marta 2020. godine.
  - b) obilježavanje 21. marta Svjetskog dana poezije.  
**PROMOCIJA KNJIGE „VRIJEME U KORICAMA“** autora Jakuba Džafića  
promotor: Mihad Sakić. Program planiran za 20. mart 2020. godine.  
Zbog situacije sa CORONA VIRUSOM oba programa smo morali otkazati.
7. 10. juna, tragajući sa modelima kako u novim okolnostima ostvariti misiju biblioteke nabavljali smo svjetske bestselere i organizirali medijsko predstavljanja nabavljene bibliotečke građe i pozvali čitatelje da obavezno dođu po svoju knjigu.
8. 23. juna organizirali medijskog predstavljanja **knjiga koje su profesori Mašinskog fakulteta u Zenici darovali** Gradskoj biblioteci Kakanj. Radi se o 104 stručne knjige.

U programu su sudjelovali: van. prof. dr. Fuad Hadžikadunić dekan Mašinsko fakulteta i prof. dr. Sabahudin Ekinović, prorektor za naučno istraživački rad. Obezbijedili smo medijsku promociju ovog vrlo važnog i humanog gesta profesora Mašinskog fakulteta u Zenici i medijsku promociju studijskih programa na samom fakultetu.

9. **11. jula u povodu 25. godišnjice genocida u Srebrenici, a u znak sjećanja** na sve ubijene organizirali program sjećanja. U programu na pripremljen srebrenički cvijet u formatu 120 x 120 cm, na prigodnom materijalu, lijepili bijele kamenčiće promjera 1,5 cm, koji su simbolično predstavljaju ubijene Srebreničane.
10. Organiziran program promocije romana „ Udovičke zemlje“ autora Fajke Kadrića. Radi se o nagrađenom romanu Fondacije za izdavaštvo iz Sarajeva. Roman o srednjovjekovnoj Bosni  
U programu sudjelovali: autor Fajko Kadrić, prof. dr. Melida Travančić, prof. Sead Husić i Branko Češljčić.
11. 25. septembra u saradnji sa UG „ ARMAGEDON“ Zenica organizirali program **međunarodnog karaktera „POETSKI MATINE „**. Sudjelovali pjesnici : Marko Bačanović, Nihad Mešić River, Tatjana Tomić, Renata Pavković, Goran Vid Lakić i Emir Sokolović.
12. 9. decembra organizirali **promociju knjige „ VILENJAKOVO PERO“**.  
U knjizi su sabrane i objavljene nagrađene priče sa 6. Festivala dječije umjetnosti.  
promotor: Kučuk Fahrudin, književnik.  
Na ovom programu autor je svim učesnicima programa podijelio po dvije knjige.

I pored restriktivnih epidemioloških mjera, koje smo primjenjivali zbog COVIDA -19, ovo je respektabilan broj programa.

#### **REALIZIRANI PROJEKTI SA VEĆIM BROJEM PROGRAMSKIH SADRŽAJA:**

##### ● **Projekt „ JUBILEJI KNJIGE 2020“**

U okviru ovog projekta 24. novembra, uoči 25. novembra dana državnosti bosne i Hercegovine organizirali jednodnevni **program književnog festivala „ Bosansko kraljevstvo u književnosti“**. U radu Festivala učestvovalo je devet književnika koji su napisali romane o povijesnom periodu srednjovjekovne Bosne.

U radu Festivala učestvovali su :

Džeraldina Ribić, iz Jajca, autorica romana: „Gospa na plivi“ i „ Gospodar Sokola na Plivi“  
Anto Stanić, iz Kreševa, autor romana „ Lijepa Jelena iz kreševskog dvorca“  
Salih Strašević, iz Tuzle, autor romana „ Prokletstvo bosanske kraljice Katarine“,  
Fajko Kadrić, iz Kalesije, autor romana „ Udovičke zemlje“  
Dženan Dautović, iz Travnika, koautor knjige „ Codex diplomaticus“,  
Emir Durmišević, autor knjige „ Kraljevi i kraljice Bosne“  
Semir Spahić, iz ilijaša, autor romana „ Posljednji bosanski did“  
Željko Grahovac, književnik iz Zenice, moderator

U okviru ovog program, učesnici Festivala su posjetili i Kraljevu Sutjesku, lokalitet Grgurevo, mjesto gdje su bosanski kraljevi imali svoj dvor.

##### ● **Projekt „ TEEN BIBLIOTEKA – READING REVOLUTION“**

**U okviru projekta:**

Izvršili nabavku izabranih knjiga kod izdavača, vodeći računa da knjige budu izdate od BH izdavača i da budu štampane na bosanskom jeziku.

Izvršen izbor mentora za rad sa tinejdžerima koji će čitati djela, vodeći računa da to budu profesori koji sa svojim učenicima mogu ostvariti najbolje rezultate.

- |  |                        |
|--|------------------------|
| 1. David Hutchens "Nadmudriti vukove"        | prof. Zinaid Delibašić |
| 2. Paolo Koeljo "Biti kao reka"              | prof. Selma Čobo       |
| 3. Filip Rot "Ogorčenost"                    | prof. Behija Kuilović  |
| 4. Danijel Kiz "Cveće za Aldžernona"         | prof. Adis Bešić       |
| 5. Zejćir Hasić "Hajde da opet šutimo"       | prof. Arifa Čeliković  |
| 6. Deborah Ellis "Djevojčica iz Afganistana" | prof. Amina Hujdur     |
| 7. F. William Engdahl "Sjeme uništenja"      | prof. Derviša Sikira   |

Obzirom na epidemiološku situaciju samo jedan program realiziran je u bibliotečkoj čitaonici, a ostali programi prezentirani na web portalu biblioteke i facebook profilu.

Sve knjige koje su tinejdžeri čitali bile su predmetom razgovora u odjeljenju.

Na kraju ovog Izvještaja moramo istaknuti da odnos uložениh finansijskih sredstava i ostvarenih rezultata odlično korespondiraju:

Pokazatelji:

- I. izbor knjiga – njihova aktuelnost, relevantnost,
- II. broj mladih u timovima za čitanje,
- III. relevantnost mentora- srednjoškolski „omiljeni“ profesori,

govore da ovaj projekt ima velike potencijale i da svakako treba nastaviti sa njegovom realizacijom i u narednoj godini, još i više, zato što školski lektirni programi, što je opća ocjena svih relevantnih učesnika u njenoj realizaciji, danas ne zadovoljavaju potrebe ni mladih, pa ni društva.

I pored restriktivnih epidemioloških mjera, koje smo primjenjivali zbog COVIDA -19, organizirali smo respektabilan broj programa i realizirali sve projekte.

Za godinu koju ćemo pamtili po CORONI, i strahu za sebe, svoje i druge, pa i za budućnost djelatnosti koju obavljamo, možemo reći da smo odgovorili na pravi način. Svjesni da ništa ne može zamijeniti direktan kontakt sa korisnikom, čitaocem i naravno književnicima, umjetnicima i stručnim radnicima, pažnju smo posvetili i objavama određenih sadržaja na web portalu i facebook stranici Biblioteke.

## **SARADNJA SA OSNIVAČEM, KAKANJSKIM PREDUZEĆIMA, NVO, MEĐUNARODNIM ORGANIZACIJAMA U BiH ....**

- Općina Kakanj, kao osnivač, u ovoj godini je Gradskoj biblioteci Kakanj iskazala punu podršku. Općinski načelnik i stručne službe, zajedno sa vijećnicima OV Kakanj u Budžetu su obezbijedili 30.000,00 KM. Općina Kakanj, kao garant ostvarivanja javnog interesa prepoznala je bibliotečku djelatnost kao djelatnost od posebnog društvenog interesa i omogućila slobodno / besplatno/ korištenje bibliotečke građe svim svojim građanima. Uplatila je 9.000,00 KM za nabavku bibliotečke građe.
- KOMPANIJA HEIDELBERGZEMENT - KAKANJZEMENT je i ove godine, i pored pandemije COVID-a 19, nastavila već tradicionalnu podršku Gradskoj biblioteci. Mislimo da će stvoreno povjerenje između ova dva poslovna subjekta rezultirati pružanjem podrške i u narednim godinama.

- U okviru saradnje sa drugim subjektima moramo ovdje posebno istaknuti da su naši projekti naišli na dobar prijem kod Fondacije za bibliotečku djelatnost Sarajevo, Fondacije za izdavačku djelatnost Sarajevo i Ministarstva za obrazovanje, nauku, kulturu i sport ZDK.
- Saradnja sa BH izdavačima, koji daruju knjige za naše programe ili obezbjeđuju značajniji rabat. Ovdje navodimo samo neke: Naklada Mate iz Neuma, Bosanska riječ iz Tuzle, IK Šahinpašić Sarajevo, Vrijeme Zenica, Buybook Sarajevo...
- Zahvaljujući odličnoj saradnji sa NTV IC Kakanj, Kakanjske novine, Radio Kakanj, kakanjskim WEB portalima, Federalnoj TV i drugim medijima svi programski sadržaji i naravno, aktivnosti u okviru „redovne“ djelatnosti su prezentirani kakanjskoj i u određenoj mjeri BH javnosti.

### ODRŽAVANJE OBJEKTA I NABAVKA I ODRŽAVANJE OPREME :

- Posebna pažnja na održavanju objekta:
  - u sigurnosnom smislu, kompletan objekt i imovina su osigurani
  - osiguran svakodnevni protuprovalni monitoring i osigurani radnici
  - održavanje objekta, njegova funkcionalnost, opremljenost i urednost zadaća je koju redovito ispunjavamo,
- obezbjeđenje tehničke i bibliotečke opreme
  - izvršili nabavku dva bibliotečka dvostrana regala za smještaj knjiga,
  - izvršili zamjenu postojeće rasvjete, LED rasvjetnim tijelima
- Gradska biblioteka tokom godine otvorena je **više od 300 dana**.

### ZAPOSLENICI :

- zaposleno sedam zaposlenika
  - ✓ pet zaposlenika servisira korisnike bibliotečkih usluga i obavlja druge poslove
  - ✓ jedan zaposlenik radi na održavanju higijene
  - ✓ jedan zaposlenik obavlja rukovodne, pravne i druge administrativno – tehničke poslove.
  - ✓ povećan broj korisnika, broj nabavljenih knjiga, broj i karakter organiziranih programskih sadržaja, ostvarivanje savremene uloge biblioteke u lokalnoj zajednici zahtijeva dodatno zapošljavanje jednog bibliotekara.

Tabela br. 7.

Red broj	RADNO MJESTO	BROJ ZAPOSLL.	stručna sprema	osnovna plata
1.	DIREKTOR	1	VSS	1.090,73
2.	BIBLIOTEKAR	2	VSS	952,00
3.	KNJIŽNIČAR	3	SSS	674,53
4.	HIGIJENIČAR	1	NSS	478,39

- svi zaposlenici posjeduju stručna znanja i zvanja, koja obezbjeđuju kvalitetno obavljanje poslova
- svi zaposlenici su posvećeni poslu i spremni da u svakom momentu pruže pravu uslugu „njegovoj ekselenciji čitaocu“

Gradska biblioteka Kakanj kontinuirano raste i nastavlja uspješan rad.  
I 2020. godina je bila uspješna, u svim aspektima ostvarivanje programa i djelatnosti.  
Postignuti uspjesi i dostignuti standardi u radu opravdavaju njezino postojanje i  
finansijska ulaganja, i ZDK i općine Kakanja kao osnivača.  
Postignuti rezultati obavezuju na daljnji rad.

Direktor  
Čišija N. Senad

UPRAVNI ODBOR  
PREDSJEDNICA  
Delila Rajkić